

**BASES REGULADORAS DO PROCESO DE SELECCIÓN DUN EMPREGO DE CARÁCTER LABORAL TEMPORAL DE TÉCNICO EN INFORMACIÓN TURÍSTICA PARA O CONCELLO DE MONDOÑEDO****PRIMEIRA.—OBXECTO**

Esta convocatoria ten por obxecto a selección e posterior contratación de carácter laboral temporal a tempo completo, mediante un contrato por obra/servizo determinado dun emprego de Técnico en Información Turística **desde a data da contratación e ata o 15 de setembro**, mediante o sistema de **CONCURSO-OPOSICIÓN**.

Baixo a coordinación da Alcaldesa-Presidenta ou Concelleiro en quen delegue, a persoa seleccionada desempeñará as súas funcións vinculadas á Oficina de Turismo do Concello de Mondoñedo.

As retribucións estarán de acordo co establecido no **apartado b do artigo 14 da Resolución do 29 de decembro de 2016 pola que se establecen as bases reguladoras para a concesión, en réxime de concorrencia non competitiva, de subvencións a concellos declarados municipios turísticos para a contratación de persoal nas oficinas de Turismo nos meses de xuño, xullo, agosto e setembro, e se procede á súa convocatoria para o ano 2016, publicada no DOG núm. 13 de data 19 de xaneiro de 2017, aboarasalles ás persoas contratadas os salarios que legal ou convencionalmente lles correspondan e sexan acordes á súa categoría profesional e titulación (1.264,29 €/mes brutos, inclúe a parte proporcional da paga extraordinaria e plus de transporte).**

SEGUNDA.—NORMATIVA APPLICABLE

Ás probas selectivas, no non previsto nas presentes bases, resultará de aplicación o previsto na Lei 2/2015, do 29 de abril do Emprego Público de Galicia, así como o disposto no artigo 61 do Real decreto lexislativo 5/2015, do 30 de outubro, polo que se aproba o texto refundido do Estatuto Básico do Empregado Público (en adiante EBEP). Así mesmo e nos aspectos non derogados expresamente e que non se oponan ao disposto no EBEP, tamén será de aplicación:

- Lei 30/1984, do 2 de agosto, de Medidas de Reforma para a Función Pública.
- Lei 53/1984, do 26 de decembro, de Incompatibilidades do persoal ao Servizo das Administracións Públicas.
- Lei 7/1985, do 2 de abril, reguladora das Bases de Réxime Local.
- Real Decreto Lexislativo 781/1986, do 18 de abril, polo que se aproba o Texto Refundido das disposicións legais vixentes en materia de Réxime Local.
- Real Decreto 896/1991, do 7 de xuño, polo que se aproban as regras básicas e programas mínimos do procedemento de selección de funcionarios de Administración Local.
- Decreto 364/1995, do 10 de marzo, que aproba o Regulamento Xeral de Ingreso de Persoal ao Servizo da Administración Xeral do Estado e de provisión de Postos de Traballo e Promoción Profesional dos Funcionarios Civís da Administración Xeral do Estado.
- Lei 5/1997, de 22 de xullo, reguladora da Administración Local de Galicia.
- Decreto Lexislativo 1/2008, de 13 de marzo, polo que se aproba o Texto Refundido da Lei de Función Pública.



Praza do Concello, 1
27740 Mondoñedo (Lugo)

- Lei 2/2015, do 29 de abril, do Emprego Público de Galicia.
- Lei 39/2015, do 1 de outubro, do Procedimento Administrativo Común do Sector Público.
- Demais disposicións aplicables.

TERCEIRA.— REQUISITOS DOS ASPIRANTES

1. Con carácter xeral os aspirantes deberán reunir os seguintes requisitos para poder tomar parte nas probas de selección:

a) Ser español ou nacional doutros estados nos termos do artigo 57 do Real decreto lexislativo 5/2015 do 30 de outubro polo que se aproba o Texto Refundido da Lei do Estatuto Básico do Empregado Público.

b) Posuér capacidade funcional para o desempeño das tarefas.

c) Ter cumpridos dezaseis anos.

d) Estar en posesión do título académico esixido nas bases xerais e específicas para ingresar no emprego de referencia na data en que remate o prazo de presentación de instancias, ou en disposición de obtelo, neste caso as esixidas pola Resolución do 29 de decembro de 2016 da Axencia Turismo de Galicia (DOG núm. 13 do 19 de xaneiro de 2017) artigo 1, apartado 1: **Técnico Superior en Información e Comercialización Turística ou Técnico Superior en Guía, información e asistencia turística, Técnico en Empresas e Actividades Turísticas ou grao ou diplomado/a en turismo ou equivalente homologado ou ben contar coa habilitación de guía de turismo.**

e) Non padecer enfermidade nin estar afectado por limitación física ou psíquica que impida o desenvolvemento das funcións do emprego.

f) Non estar separado mediante expediente disciplinario do servizo de calquera das Administracións Públicas ou dos órganos constitucionais ou estatutarios das Comunidades Autónomas, nin atoparse en inhabilitación absoluta ou especial para empregos ou cargos públicos por resolución xudicial, para exercer funcións similares ás que desempeñaban, no que fora separado ou inhabilitado. No caso de ser nacional doutro estado, non atoparse inhabilitado ou en situación equivalente nin ter sido sometido a sanción disciplinaria ou equivalente que impida, no seu estado, nos mesmos termos o acceso ao emprego público.

g) Non atoparse incurso nas causas de incompatibilidade ou incapacidade que determine a lexislación vixente.

h) Os aspirantes que padezan minusvalía deberán facelo constar expresamente na instancia.

i) Os aspirantes deberán figurar como desempregado no Servizo Público de Emprego de Galicia, tanto no momento da presentación da instancia, como no momento da súa contratación.

j) Posuér o certificado do Celga 3, equivalente ou superior, debidamente homologado polo órgano competente na materia de política lingüística da Xunta de Galicia, ou obter a calificación de apto na proba de galego que forma parte da fase de oposición.

CUARTA.—SOLICITUDES

1.—As persoas que desexen tomar parte no proceso selectivo convocado, deberán facer constar mediante unha instancia, modelo Anexo I, dirixida ao Sra. Alcaldesa- Presidenta do Concello, na que manifestarán, ademais dos datos persoais co enderezo, a denominación do emprego convocado ao que optan e que reúnen todos e cada un dos requisitos da presente convocatoria.

2.- Ao abeiro do artigo 1 da Resolución do 29 de decembro de 2016 da Axencia Turismo de Galicia pola que se establecen as bases reguladoras para a concesión das



Praza do Concello, 1
27740 Mondoñedo (Lugo)

subvencións, para a contratación de persoal nas oficinas de turismo nos meses de xuño, xullo, agosto e setembro, o persoal que se contrate deberá figurar como desempregado no Servizo Público de Emprego de Galicia.

Débese aclarar neste senso que co fin de que se cumpra claramente esta obriga, será imprescindible que os/as candidatos/as sexan persoas desempregados/as inscritos/as no momento en que presenten a instancia para participar no proceso, así como no momento de realizar a contratación, acreditandoo fidedignamente.

3.— O prazo de presentación de instancias é de **cinco días hábiles**, contados a partir do seguinte ao da publicación do anuncio desta convocatoria no diario *El Progreso*. No caso de que o último día de prazo seña inhabil, este finalizará o vindeiro día hábil seguinte.

4.—As instancias deberán presentarse no Registro Xeral do Concello de Mondoñedo ou mediante algunha das formas previstas no artigo 16 da Lei 39/2015, do 1 de outubro, do Procedemento Administrativo Común do Sector Público, coa modificación introducida pola Lei 4/99, cómpre que o Concello teña constancia da presentación desta documentación no prazo en que remata o día de presentación de instancias.

A solicitude irá acompañada da seguinte documentación:

- .- Fotocopia do Documento Nacional de Identidade, compulsada por ámbalas caras.
- .- Fotocopia compulsada da titulación académica esixida.
- .- Informe da Situación Administrativa emitido pola Oficina do Servizo Público de Emprego de Galicia oportuna.
- *.- Fotocopia compulsada dos documentos acreditativos dos méritos alegados para a súa valoración neste concurso convocado (esta documentación non será excluínte para a confección da lista provisional de admitidos e excluídos).

QUINTA.- ADMISIÓN DE SOLICITUDES

- 1.- Rematado o prazo para presentar as instancias, a Alcaldesa ditará resolución comprensiva que conterá:
 - a lista provisional de admitidas/os e excluídas/os coa especificación do motivo de exclusión.
 - a designación do tribunal cualificador e a data da súa constitución.
 - a data, hora e lugar en que se realizará a valoración de méritos e a proba da fase de oposición.

Esta resolución publicarase de xeito íntegro no taboleiro de anuncios do Concello.

- 2.- Durante os tres días hábiles seguintes á publicación da lista provisional de admitidos e excluídos, únicamente os/as excluídos/as poderán solicitar reclamacións á lista provisional. Quen non presentara a reclamación no prazo indicado, decaerá do seu dereito sendo excluído definitivamente da lista de aspirantes.

No caso de non haber excluídos, a lista provisional elevarase a definitiva automaticamente.

- 3.- As reclamación formuladas en prazo serán aceptadas ou rexeitadas mediante Resolución pública de Alcaldía, no taboleiro de anuncios, aprobando a lista definitiva de admitidos e excluídos.

4.- Porén, se en calquera momento posterior á aprobación da lista definitiva, se advierte nas solicitudes inexactitude ou falsidade que fora causa de exclusión, esta considerarase defecto insubsanable e a alcaldía resolverá a dita exclusión.



SEXTA.—TRIBUNAL CUALIFICADOR

Os membros do Tribunal Cualificador e suplentes serán designados pola Sra. Alcaldesa – Presidenta mediante resolución.

O tribunal estará integrado polos seguintes membros atendendo á paridade entre home e muller:

Presidente: Un empregado público. Con voz e voto.

Secretaria: A da Corporación ou empregado público en quen delegue. Con voz e sen voto.

Vogais: tres empregados públicos. Con voz e voto.

O Tribunal Cualificador deberá constituirse na data que designe a Sra. Alcaldesa, entendéndose validamente constituído cando asista a maioría absoluta dos membros titulares ou suplentes e sempre a do Presidente e o Secretario.

Os membros do Tribunal, posuirán titulación ou especialización de grao igual ou superior ao esixido para acceder ao emprego.

Na sesión constitutiva adoptaranse as decisións pertinentes para o correcto desenvolvemento do proceso. Os seus acordos serán impugnables nos supostos e na forma establecida pola Lei 39/2015 do 1 de outubro.

Os acordos serán adoptados pola maioría simple dos asistentes con voz e voto, dirimindo os empates o voto de calidade do presidente.

Cada tribunal poderá dispoñer a incorporación aos seus traballos de asesores especialistas, con voz e sen voto, limitándose os asesores a prestar a súa colaboración nas súas especialidades técnicas.

Os membros dos Tribunais deberán abstirse de intervir, comunicándolle ao Presidente cando concorra neles algunha das circunstancias previstas no art. 23 da Lei 40/2015, do 1 de outubro, de Régime Xurídico do Sector Público. Así mesmo, os aspirantes poderán recusar aos membros do tribunal cando concorra neles algunha das circunstancias previstas para a abstención e de conformidade co establecido no art. 24 da Lei 40/2015.

SÉTIMA.—SISTEMA DE SELECCIÓN E CUALIFICACIÓN

O sistema de selección será de **CONCURSO-OPOSICIÓN**.

Valoración de Méritos

A tal efecto o Tribunal reunirase para examinar e valorar a documentación presentada polos aspirantes e cualificar os méritos alegados, de acordo co baremo contido nas bases específicas, na Casa do Concello.

A cualificación dos méritos realizarase de acordo co baremo seguinte:

A) EXPERIENCIA PROFESIONAL.

1º.- Por servizos efectivamente prestados en postos de idénticas e/ou similares características e funcións ao emprego que se opta e dependentes dunha



Praza do Concello, 1
27740 Mondoñedo (Lugo)

Administración Pública: 0,15 puntos por cada mes completo de servizo. No caso de servizos prestados na empresa privada: 0,08 puntos por cada mes completo de servizo.

Non se computarán fraccións inferiores a meses completos.

- no caso de traballador por conta allea: para acreditar a experiencia laboral presentaranse dous documentos:

a) Informe de Vida Laboral segundo os datos proporcionados pola Tesourería Xeral da Seguridade Social.

b) Copia compulsada do contrato de traballo.

Estes documentos poderán ser substituídos por un Certificado de Servizos, no caso de Administración ou Certificado de Empresa, no caso de empresa privada, sempre que queden acreditados de forma clara e expresa, a ocupación, período traballado, e número de horas.

- no caso de traballadores autónomos: mediante o Informe de Vida Laboral, expedida pola Tesourería Xeral da Seguridade Social na que conste o epígrafe de cotización, así como o xustificante de alta no imposto de actividades económicas ou certificado acreditativo de estar de alta no dito imposto. Contrato de arrendamento de servizos ou calquera outro documento que acredite de forma clara e expresa a natureza da actividade.

- no caso de traballos realizados no estranxeiro: mediante certificación oficial na que conste a ocupación ou profesión exercida e coa categoría profesional esixida nas presentes bases e os seus períodos de tempo.

* A puntuación máxima que se pode acadar por experiencia profesional será de **1 punto**.



B) FORMACIÓN.

A puntuación máxima para este apartado é de **3 puntos**.

.- **Cursos ou outra formación**.- Por cada curso, xornada, seminario etc. directamente relacionado coas funcións propias do emprego a que se opta realizados nas Administracións Públicas, Escolas de Administración Pública, Universidades, Inem, organizacións sindicais así como os cursos homologados que teñan informe favorable da Comisión da Formación Continua da Comunidade Autónoma de Galicia:

- Cursos de duración inferior a 10 horas non se baremarán.
- Cursos de 10 horas ata 25 horas: 0,02 puntos por cada un.
- Cursos de mais de 25 horas e ata 50 horas: 0,05 puntos por cada un.
- Cursos de mais de 50 horas e ata 100 horas: 0,10 puntos por cada un.
- Curso de mais de 100 horas e ata 150 horas: 0,15 punto por cada un.
- Cursos de mais de 150 e ata 300 horas: 0,20 puntos por cada un.
- Por cada curso de máis de 300 horas: 0,25 puntos.

Neste subapartado presentarase o diploma orixinal (ou fotocopia compulsada) ou certificado (ou fotocopia compulsada) expedido pola organización da actividade. No mesmo deberá constar o número de horas. Se das características do diploma, en base á súa duración ou datos similares pode deducirse que supera as dez horas, o tribunal poderá computalos como pertencentes ao suposto de 10 ata 25 horas. Os cursos que, a xuízo do Tribunal, non estean debidamente acreditados ou non teñan relación coas funcións propias do emprego, non serán puntuados.

A puntuación máxima para este subapartado é de **0,60 puntos**.



Praza do Concello, 1
27740 Mondoñedo (Lugo)

.- Coñecementos de idiomas.- Por ter superado o nivel da Escola Oficial de Idiomas ou validación oficial correspondente:

- A1: 0,30 ptos
- A2: 0,40 ptos
- B1: 0,50 ptos
- B2: 0,60 ptos
- C1: 0,70 ptos
- C2 : 0,80 pto

Tamén se terá en conta, as antigas titulacións da Escola Oficial de Idiomas:

Ciclo Elemental: 0,60 ptos B2

Ciclo Superior: 0,70 ptos C1

De acreditar máis de un, só se validarán o de nivel máis alto.

No caso de aportar, outros cursos de idiomas, impartidos por centros oficiais nacionais ou internacionais, valoraranse según o criterio que e estableza o tribunal a tal efecto.

A xustificación deste, farase coa presentación de fotocopia e orixinal do título correspondente, fotocopia compulsada, ou co certificado acreditativo da súa obtención.

A puntuación máxima para este apartado é de 0,80 **puntos** por idioma, ata un **máximo de 2,40 puntos** para este subapartado.

FASE DE OPOSICIÓN:

Consistirá na realización de un exercicio obligatorio e eliminatorio.

Fixar como proba de selección unha proba escrita que consistirá na redacción, o día da proba, nun tempo máximo de 1 hora e media, no lugar e hora que se indique na resolución provisional de admitidos/as e excluídos/as, dunha proposta para a creación e desenvolvemento dun produto turístico-cultural baseado en recursos tanxibles e intanxibles do Concello de Mondoñedo.

Unha vez rematada a redacción desta proposta, o/a candidato/a deberá lela, expoñendolla así ao tribunal, que avaliará aos aspirantes de acordo cos seguintes criterios de selección:

- Metodoloxía: ata 2 puntos
- Calidade da proposta: ata 5 puntos
- Axuste á realidade da proposta, isto é, a posibilidade de levala á practica e se axuste á realidade: ata 3 puntos

A puntuación máxima para a fase de oposición é de 10 puntos e será necesario obter 5 puntos para superala.

PROBA DE GALEGO:

Será obligatorio a superación dun segundo exercicio, proba de galego para aqueles candidatos que non teñan acreditado xunto coa instancia de solicitude estar en posesión do certificado de Celga 3, equivalente ou superior.

Quedarán exentos da realización deste exercicio os aspirantes que coa instancia de solicitude presenten o certificado de Celga 3, equivalente ou superior, debidamente homologado polo órgano competente na materia de política lingüística da Xunta de Galicia, de conformidade co artigo 35 do Decreto lexislativo 1/2008 do 13 de marzo, polo que se aproba o texto refundido da Lei da Función Pública de Galicia, modificado pola Lei 2/2009, do 23 de xuño.



Coa finalidade de cumplir co previsto no artigo 35 do Decreto lexislativo 1/2008, de 13 de marzo, polo que se aproba o texto refundido da Lei da función pública de Galicia, este exercicio consistirá na tradución, sen dicionario, dun texto de castelán ao galego e/ou de galego a castelán, nun tempo máximo de 30 minutos.

Este exercicio valorarase como apto ou non apto, sendo necesario para superalo obter o resultado de apto, correspondéndolle ao tribunal determinar o nivel de coñecementos esixido para acadar o resultado de apto.

OITAVA.—PUBLICACIÓN DE RESULTADOS E LISTAXE DE RESERVAS

A cualificación final das probas virá determinada pola suma das puntuacións obtidas na valoración de méritos, establecendo a orde definitiva de aspirantes aprobados, publicando no taboleiro de anuncios a puntuación total do proceso selectivo.

En caso de empate no baremo de méritos, o desempate realizarase con base na maior puntuación na fase de oposición. Se persiste o empate, terase en conta en primeiro lugar a maior puntuación en formación no que se refire a coñecementos de idiomas. Se persiste o empate valorarase a maior puntuación en experiencia acreditada en funcións relacionadas co emprego a desenvolver. Se alándá así persiste o empate, valorarase a formación, no que se refire a cursos.

De ser o caso, que continúe a persistencia do empate, este realizarase en base á discriminación positiva da muller fronte ao home, naquelas actividades onde as mulleres se atopan subrepresentadas, e por último se fose necesario, en base ao orde alfabético dos apelidos.

O Tribunal realizará unha proposta de resolución para o seu nomeamento ao candidato que más puntuación obtivese, non podendo declarar que superou a selección un número de aspirantes superior ao número de empregos convocados.

Os restantes candidatos, pola orde de puntuación obtida, poderán ser contratados no caso de que o/a seleccionado/a non asine o contrato no prazo que se lle sinale ou ben renuncie ao emprego.

Confeccionarase unha listaxe de reservas para cubrir as posibles baixas xurdidas durante o período de contratación.

NOVENA.—APORTACIÓN DE DOCUMENTOS

O/A aspirante proposto/a presentará na Secretaría do Concello, nos tres días hábiles seguintes ao da publicación da lista de aprobados, os seguintes documentos:

a) Copia autenticada do DNI.

b) Certificado médico oficial acreditativo de non padecer enfermidade ou limitación física ou psíquica que impida o normal desenvolvemento das súas funcións.

Se o aspirante proposto tivese a condición de discapacitado acreditará mediante certificado correspondente, que reúne as condicións necesarias para desempeñar as funcións do emprego.

c) Informe da Situación Administrativa e Certificado de períodos de inscripción, ambos documentos actualizados e emitidos pola Oficina do Servizo Público de Emprego de Galicia oportuna, que acrediten que a persoa que se contratará atopase desempregada inscrita no SPE.

d) Declaración xurada de non ter sido separado, mediante expediente disciplinario, do servizo de calquera das Administracións Públicas, nin atoparse inhabilitado para o exercicio de funcións públicas.

d) Declaración xurada de non atoparse incurso en ningunha das causas de incapacidade ou incompatibilidade que determine a lexislación vixente.



Praza do Concello, 1
27740 Mondoñedo (Lugo)

Se no prazo sinalado, salvo os casos de forza maior, os aspirantes non presentasen a documentación esixida, non se poderá formalizar o contrato, quedando anuladas todas as actuacións sen prexuízo das responsabilidades en que se puidera incorrer por falsidade. Neste caso formularase proposta de nomeamento a favor do seguinte da listaxe.

DÉCIMA.- FORMALIZACIÓN DO CONTRATO

Presentada a documentación sinalada no apartado anterior o Presidente da Corporación, ditará resolución e formalizará o contrato laboral a favor das persoas propostas polo Tribunal no prazo máximo de dez días hábiles a contar dende a data en que remate o prazo de presentación dos documentos citados na base anterior.

DÉCIMO PRIMEIRA.— RECURSOS

Contra a presente convocatoria, as súas bases e os actos de aplicación desta, poderá interpoñerse optativamente un dos seguintes recursos:

- Recurso de reposición ante o mesmo órgano autor do acto, no prazo de un mes, a partir do día seguinte ao da súa notificación ou publicación do acto ou acordo.
- Recurso Contencioso-Administrativo ante os órganos da orde xurisdiccional contencioso-administrativo que correspondan, consonte ao disposto nos artigos 8, 10 e 13 da Lei 29/1998, do 13 de xullo, reguladora da xurisdicción contencioso-administrativa, no prazo de DOUS MESES contados dende o día seguinte ao da recepción da presente notificación, en harmonía co establecido no artigo 46 da devandita Lei.

DÉCIMO SEGUNDA.—NORMA FINAL.

O Tribunal queda facultado para interpretar as Bases da Convocatoria, así como para resolver cantas dúbihdas e incidencias presente a súa aplicación, e poderá adoptar os acordos necesarios procurando a boa orde e desenvolvemento do proceso selectivo.

DILIXENCIA

A estendo eu, D^a Ruth López-Mosquera García, Secretaria do Concello de Mondoñedo, para facer constar que as presentes bases aprobaronse na Xunta de Goberno o día 19 de xuño de 2017.

Mondoñedo, 19 de xuño de 2017

A secretaria

Ruth López-Mosquera García





EXCMO. CONCELLO DE MONDOÑEDO

Tf: 982 524 003/Fax: 982 507 421

Praza do Concello, 1
27740 Mondoñedo (Lugo)

ANEXO I (modelo de instancia)

D./D.^a.....
..... con DNI....., nado/-a
.....(data nacemento), veciño/-a de....., con
endereço en..... teléfono.....,

EXPÓN:

Que deseja ser admitido/-a ás probas selectivas de acceso para para cubrir a contratación temporal de 1 emprego de técnico de información turística, de conformidade coa convocatoria aprobada pola Xunta de Goberno de 19 de xuño de 2017.

Que coñece e acepta as bases que rexerán para a dita convocatoria, e declara que reúne todos e cada un dos requisitos esixidos nestas.

Que non estou incuso/a en ningunha causa de incapacidade ou incompatibilidade, nin padezo enfermidade ou defecto físico/psíquico que me impida o desempeño deste emprego.

Así mesmo, declaro que non estou separado/a do servizo de ningunha Administración Pública por expediente disciplinario, nin inhabilitado/a por sentenza firme para o exercicio de funcións públicas.

Que achega coa solicitude a seguinte documentación ou xustificantes esixidos polas bases que rexen a convocatoria así como os xustificantes dos méritos alegados: (relación de documentación esixida e de méritos alegados):



Por tanto, SOLICITA:

Que se teña por presentada a correspondente solicitude no prazo establecido e se lle admite a tomar parte nas probas selectivas para o emprego anteriormente indicado.

Mondoñedo,..... de de 2017

(sinatura)

SRA. ALCALDESA – PRESIDENTA DO CONCELLO DE MONDOÑEDO (LUGO)